

آبونه شرائطی

داخلی، خارجی، هریرایچون
سنه لکی (۲۵۰)، آلتی آیلانی
(۱۳۰) خروشدور.

نسخه سی ۵ خروش،
سنه لکی ۵۲ نسخه در

اداره خانه

باب عالی جاده سنده دائره مخصوصه

اخطارات

آبونه بدلی بهیندر

مسلكه موافق آثار مع المنونیه
قبول اولنور. درج ایدلهین
بازیلر احاده اولونقاز

واقعه یهدی من یشاء الی صراط مستقیم

محمد عاكف

اشرف ادیب

اتبعون اهدكم سبیل الرشاد

عدد : ۵۱

۱۸ ربیع الاول ۱۳۳۸

پنجشنبه

۱۱ کانون اول ۱۲۳۵

جلد ۱۸

کتابخانه

کتابخانه

دینی، فلسفی، علمی، ادبی، سیاسی، تفریحی، مجموعه اسلامی، در
باش محرر
صاحب و مدیر مسئول

اخطارات

ادرس تبدیلنده آبرجه بهی
خبروه کوندرملیدر

مکتوبلرک امضالری واضح
واوقواقلی اولسی و آبونه صبره
نومروسی محتوی بولنسی
لازمدر

مالک اجنبیه ایچوه آبونه اولانلرک
آدرس لری ناله فرانسیزجه ده یازلمسی
رجا اولنور

باره کوندرلهدیکی زمان نهیه دائر
اولهینی واضحاً بیلدیرلمسی
رجا اولنور

— بن یقیجی یم یقیجی !

— هاه ! ایسته شیمدی آ کلادم . بویله دیسهك آ . سن معموره انسانیتك معماری دكل ، ایرغادیسك . سن سرای آدمیته ، كاشانه انسانیت بر طاش قویعه به مقتدر دكلك . سن ییقمقن بشقه برشی بیلیمورسك . بو معبد معظمه باق . بو ، ناصیل وجود بولمش . بونك بر معماری واردر . حتی صوك انشاسنده ایکی معماری وار ایدی . بری سلطان حصارلی ، دیکری ده ازمیرك «میات» شهر قدیمدن ایدی . او معمار بو معبدی انشا ایدم بیلیمك ایچون نه قدر قفا باطلاتمش ، نه دقیق حسابلر یامیشدر . بو اثر معظم او یله قولایمی اولمشدر صانیرسك . بونك معماری مثلثات بیلیرمش ، هر شئی بیلیرمش ، هندسه بیلیرمش ، ماكنه بیلیرمش . حاصلی بونی یا به بیلیمك ایچون بر چوق قونو انتساب ایستر . فقط ییقمق ایچون بونلرك هیچ بریسه لزوم یوق . امین او کندن اون دانه ییجی کتیررسك . آن واحدده شوقه بی باشیمزه کچیر . ایرغاد باشی به نه لازم ؟ ییقمق ایچون بر قازمه کافیدر . فقط یایمق ایچون نامتناهی معرفت ایستر ، نامتناهی علوم ایستر . افندی افندی ، بو مبنای معظمك هر زاویه سی برستونك ، هرستون ده بر قاعده ریاضیهك اوستنده طور ییور . بونلر علمله ، قفا باطلاتمله اولور . بونلر علمه توقف ایدر . اما ییقمق ایچون هیچ بریسی لازم دكل . بر قازمه کافی . . اوده بویله الله بر قازمه آلمش ، بوتون مقدساته یورویور . اوکنه کانی ییقوب کیدیور . اخلاق دیور ، ییقیور . انسانیت دیور ، ییقیور . اسلامیت دیور ، ییقیور . نه ماهیتته واقف ، نه صورت تأسیسندن خبردار . نه فقداننده کی ضرری مدرك ، نه ده وجود کده کی فائده بی ! . بویله سرسم ، بویله بر جاهل ... اونك ایچون چوق علمه ، چوق معرفته احتیاج یوق . ایرغاد باشی به بر قازمه کافی اولدینی کبی بویله بر آدمه ده «الله یوقدر» عالم قدیمدر ، هرشی ذره لرك ، جزو فردلرك اجتماعدن حاصل اولمشدر ، دیمك کافیدر !! انسانیت معموره سنی ییقمق ایچون بشقه شی لازم دکلدر . (ربنا لاترغ قلوبنا) الله جمله مزی بوکی سوء قرینلره مقارنندن مصون و محفوظ بویورسون ، آمین ...



اخلاقیات

— ۲ —

علم اخلاق اساسلری - قوا و خصائص بشریه و بونلره رعایت - خیر و با وظیفه فکری - خیر فکریك همومیق و خیر حقنده کی مختلف طرز تلقینله اسبابی - خیر و شر - مساك اخلاقیه - حظ - منفعت - نفعیهك دیگر برشکلی اولان تکاملی - احتیاس ، وظیفه مساکلری - بو مساکلی انتقاد

بو منباحنده اخلاق اسلامیهك الکتین اساسلر اوزرینه مستند بولوندیغی کوسترمك ایستیوروز . بونك ایچون اول اخلاق استناد ایتیمی لازمکن مبادی حقنده فلاسفه قدیمه و جدیده طرفدن بوکونه

بونلره قارشى کور کیدر . تشکلات عینه ده بر نقصان اولدینی حالده بعض لونلر اونك ایچون معدوم حکمنده در . مثلاً یشلی قیرمزیدن و بعض کرده منکشه رنکفی صاریدن آیره ماز . بولونلرك متمماتی ده قاریشدر یور . خلاصه باقیور ، کور میور . حال بوکه اکثریت اولونی کور میور . الله اکبر ! شاشیله جق شی ! ایستدیککز قدر اولون واردر ، دیککز . او بوکا اینانماز . چونکه کور میور . قرق بیک شاهد اقامه ایت . ینه بویله شی یوقدر . بر بوخته لق کلدیمی ، آرتیق هیچ سوزك فائده سی یوقدر . فقط اوند قباح یوق ... اکر او آدم اکثریته قارشى : «دو غم و کورن بن ایم» کور سز سکز . دیرسه ، بوتونلرك صولك درجه سیدر . بوکا قارشى نه منطق برشی سویلر ، نه ده علم ... چونکه حرفنده قابلیت یوق . ایسته منکرلرده بویله . اونلرك بصیرت لرینه ، قلب کوزینه (دالتون) علق ککش دیمکدر . سن مدرك الوان دكلك . بن الوان حقایق سکا ناصیل قبول ایستدیریم ؟ ایشك یوقسه سویله . قبول ایتمزسك . بنم انی دیدیکمه انی ، بنم فنا دیدیکمه فنا دیمزسك . آرتیق نه یاپیلیر ؟ (لکم دینکم ولی دین) دیمکدن باشقه چاره نه ؟ بن اونی تصدیق ایدم . طبعی اوده بنی تصدیق ایتمز . انکار ایدر ، چکیایر کیدر . فی الحقیقه بصیرته (دالتون) خسته لنی عارض اولوب الوان حقایق تمیز استمداد بنی نزع ایتش . بونلره قارشى حقایقندن بحث ایتك کورلرك محله سنده شمه صائمیه ، صاغیرلر محله سنده قولسر ویرمه کگز . اضاعه وقت و حیاتندن باشقه بر شیه مؤدی اولماز .

قلب حقائق ایمانیه بی جذاب اولق ایچون اونکله بر علاقه جامع اولی . مسئله مقناطیس ایله دمیر بگز . سن دمیر اولده باق ناصیل مقناطیسه منعذب اولورسك . صمان چوینی مقناطیس چکر می ؟ صمان چوینی اولدقدن صوکره هیچ برشی حاصل اولماز .

— بن فیلسوف . بویله شیلری بیلیم .

— سن فیلسوف دكل . سن ییجی سك ، ییجی ! ... معموره انسانیت ییقمق ، مقدسات بشریه بی خالک ایله یکسان ایتك ایسته یورسك . سن جهان انسانیتك عدو اکبریسك . فیلسوف دیدیکك انسانلری طریق رشد و سداده سوق ایدر . سنك فکرك قبول اولنورسه انسانیت ییقلیر . سنك قیامتك قویتمش . هر شئیك هرج و مرج اولمش . سکا قالسه هیچ برشی حیات بوله ماز . سن ینه او بکنم دیکك ادیان دعا ایت ، اونك قوردینی سرای عمران و مدینه یه یاشایورسك .

(فضلیت) دن بحث ایدیور . حال بوکه حقیقه دینسر اولسه اولده انکار ایتمی لازم کلیر . زوالی ، فنا فی الالحاد درجه سنده واصل اوله مامش .

عجائب ! (وجدان) ی تدقیق ایدرسك ، اوراده مغلوبسك . سنده بر فضیلت کورولیور . ایتش او ارثی در . فضیلتی ده بیلدیکك یوق . انتسابك ده یالان . کل برابر اوطوره لم ؟ منساقشه ایدم . سنك فضیلت خصوصنده کی بوتون استناد کاهلرك قلمدن ییقلمازسنه الکی او به حکم . هم ینه سنك طایدیکك کتابلره . قارشومه کچده کور ، او باطل فکر لرینك هپسی طوبی آتار . هپسی یالان .

قدر سردا بدین نظریه لری، بالخاصه الاسلام برمسلك فلسفی اولان و وظیفه، قانون اخلاقی مبدئی عقل اوزرینه تأسیس ایله (حق، خیر، حسن کج) مبادی عالییه کمال ایدین نظریات فلسفیه نك اخلاق ایچون کشف ایله دیک مبادی بی ده تدقیق ایتک ایسترز .

علم اهدركك اساسلى :

انسانلرك طبایع وعادات اعتباریله نه قدر مختلف ، خلقت وامرجه لری نه درجه متباین اولورسه اولسون ینه بو اختلاف وتباین ایله برابر نفوس بشریه ده بر طاقم عمومی - یعنی هپسك مشترك بولوندیغی - مبادی ، اصول وقوتلر وارد، که اولر اخلاق انسانیه نك اساسی ، نفوس بشریه نك مصدر کلاقی در . بو مبادی واساسلر هر انسانده موجود و ناقابل تغیر اولدیغی جهتله اخلاق بشرینك بو اساسلره ابتنا ایتسی لازم در . دیگر اساسلره ابتنا ایدن اخلاق ، ثابت وعمومی اولمق ماهیتى حائر دکل در . بناء علیه بو اساسلرك نه دن عبارت اولدیغی تدقیق ایدرك بو مسلكله اخلاقك اساسلری «وحی» استناد ایتدیرن مسلك اسلامى بیننده منافرت اولوب اولدیغی تدقیق ایتمه من ايجاب ایدر . نظریات عالیه فلسفیه به کوره قوانین اخلاقیه نك مناسی اولان مبادی شونلردر :

۱ - قوا وخصائص نفوس بشریه ؛

۲ - بوتون انسانلره شامل اولان «خیر ، وظیفه ، فکری ؛

۳ - مسئولیت اخلاقیه .

ایشته نظریات ساله فلسفیه نك اخلاق ایچون تعیین ایله دیک اساسلر بونلردر . شمدی بونلری برر برر ایضاح ایدلم :

۱ - قوا وخصائص بشریه وبونلره رعایت :

قدرت فاطره انسانلری بر طاقم خصائص وقوا ایله حیوانات سائرده ن ممتاز قیلمش در ، انسانك شرف و رفعتی آنجق بو قوتلره در [۱] . بناء علیه انسانك ، مابه التایزی اولان شو خصائص وقوايه - كرك کنديسنده ، كرك باشقه لرده اولسون - رعایت ایتسی لازم در . چونکه بونلره رعایت ایتکله رتبه رفیعۀ انسانیه رعایت ایتش اوله جق در . ایشه بو رعایت اخلاقك برنجی اساسی تشکیل، ایتکده در .

بو خصائص وقواده هر کس مشترك وفطرة مساوی اولمقله برابر کور بورزکه : انسانك قواسنی استعمال ، موهوبات فطریه سنی استخدام واوندن استفاده ایتسی حسیله قابل تغیر در ؛ بعضاً نشوونما ایله نك زیاده کسب علویت ایدیور ، بعضاً ده نقصانه معروض اولیور . آکلار شلیورکه : تعلیم وتربیه نك بو خصائص وقوا اوزرنده نك زیاده تأثیری وارد در . بونلرك صفت اصلیه سی محافظه وتنیه ایدیلررك حسن استعمال ایدیلررك اولورسه مجادله حیانه احراز سعادت ممکن اولور . عکسی تقدیرده ایسه خسران و ذلته محکومیت محقق در . بناء علیه علم اخلاقك برنجی اساسی اولان بو خصائص وقوايه هر انسانك ؛ فایه خلقتی

[۱] «والقد کرمانا بنی آدم وحنانهم فی البر والبحر... وفضلناهم علی کثیر من خلقنا تفضیلاً - قرآن حکیم»

طمانین ، هدف تکمله واصل اولمق ایچون ؛ رعایت وتعلیم وتهذیب ایله بو قواننک نشوونماسی تأمین ایتسی لازم در . چونکه انسانده مودوع اولان بو قوت صفت فطریه سنی نه درجه محافظه ایدرسه اونك اخلاقی ده او نسبتده سالم وثابت اوله جق در .

خیر ویا وظیفه فکری :

فلسفه نك اخلاق ایچون وضع وتعیین ایله دیک ایتسی «مبدأ» ، خیر ویا وظیفه تصویری در . خیر فکری طبع بشرده مکنوز و بوتون انسانلره شامل بر حال در . چونکه انسانلر هر نه قدر صورۀ وفکراً مختلف ایسه لرده - شمدی ایضاح اولوندیغی وجهله - «عقل» کج نفوس بشریه به مخصوص وبزی «خیر» فکریه دلالت ایدن بر «قوة کایه» ده مشترك درلر . هیچ بر شخص یوقدرکه : عقل وفکاسی نشوونمايه باشلاسون ده ، بصیرت انسانیه به خاص اولان بر تمیز ایله خیر وشر ؛ صحیح وفاسد ؛ حسن وقبح بیننده کی فرقی ادراک ایتش اولماسون ؛ بناء علیه «خیر» فکری ده علم اخلاقك اساسلرندن برنجی تشکیل ایدیور . خیر فکری ایله حسن وصحیح فکری ، نفسدن صدوری اعتباریله ، مشترك اولدقلری جهتله بر برینه تمامیه مربوط درلر .

خیر فکری نك عمومی و خیر مفنده کی مختلف طرز تنفیذک اسبابی :

خیر فکری بشریتده عمومی ومطرد در . بو فکر بالضروره بشریته لازم ونفوس بشریه دن انفکاک ، وجدان بشریه بو فکری اعترافک عدم وقوهی ممکن دکل در . چونکه یوقاریده اشارت اولوندیغی اوزره : «خیر وشر ؛ حسن وقبح ؛ حق وباطل» فکری برر حقیقت ثابتۀ ومتعارفه درلر . بونلرك وجود نفس الامریهی محقق در . زیرا بو مبادی ، عقلاً ثابت در . شوقدرکه بو فکر ، فمك وصنی اولسی ، ساحۀ فعلیاته تطبیق اعتباریله قابل تغیر در . زمان ومكانك ، عاداتك اختلافیله بو فکرک تطبیقده تغیر وتبدیل کوریلر بیلیر . فعل واحدك هر زمانده ، هر مکانده حسن ، یاخود قبیح اولسی ضروری دکل در . بوندن طولای خیر مبدئك عقلی ویا مطرد اولماسی لازم کلز . چونکه بر قومك خیر وشر حقنده ویرمش اولدقلری حکم ، وسط طبقه ده - که اکثریت بونلر اولمق لازم در - بونلرک مألوف اولدقلری عاده کوره در . اگر مألوف اولدقلری عادتك اساسی صحیح وکوزل ایسه اونك اوزرینه بنا ایتدکلی احکامده صحته مقرون اولوب نتیجه ده فعللری صالح ، اخلاقلری مستقیم اولور . دکلسه حاللری اونستده فنا اولوب خیر وشر حقنده کی حکملری ده اوکا کوره اولور . بوراده تعلیم وتربیه نك ده نك زیاده تأثیری اوله جفی درکاردر .

بناء علیه خیر وشر حقنده کی اختلاف افکار ، «خیر» ک طبع بشرده عمومی ومطرد اوله رق مکنرز بر فکر اولدیغی دکل ، بلکه بو اساسك تعلیم وتربیه ایله وتکمل ایتدیکنی ، محیطك تأثیریلده صفت اصلیه سنی غائب ایتک استعدادده اولدیغی کوسترز .

غیر مقررہ کی طرز تفہیم مختلف اولیائے اہل بیت علیہم السلام کی تفسیر:

اوت علم اخلاق علمائے کرام کی فکر و خیر و وظیفہ مبدئی طبیعت بشریہ مکتوزہ؛ ہر انسان فطرت انسانیہ ایجابی اولہرق آئی یہ میل، کوتودن متفرد۔ فقط ساحۂ فعلیاتہ جیقدینی کی کوریلیور کہ: بعضاً افکارہ اختلاف حاصل اولیور؛ ہم آئی دیدیکم سزجہ فنا، سزک فنا کوردیکم سزجہ نظرمدہ آئی دیہ تلقی اولیور۔ سبی ہر نہ اولورسہ اولسون ہو اختلافہ کوستریور کہ: آئی وکوتو حقندہ بر حکم ویرمک ایچون مبداء عقلی ہر زمان بر معیار صحیح اولامایور۔ شو حالہ صرف عقلہ مستند اولوبدہ اساسری مافوق العقل، مافوق الطبیعہ بر قوتہ مؤید اولیان بر اخلاق مطرد و ثابت اولامایہ جہی شہہ سزدر۔ بویہ اولان قواعد اخلاقیہ نک ہرکس نظرندہ شایان قبول کوریہ میہ جکی وارستہ ایضاحدر۔

ایشہ بزم وظیفہ، خیر وشر فکرلینک طبع بشرہ مرکوز بر مبداء عقلی اولمیری تسلیم ایتککہ برابر بونلر منشأ وقوۂ مؤیدہ سی «وحی ونبوت» اولدیغہ قائل اولہ مزک سبی بودر۔ بونلر ہر نہ قدر بر مبداء عقلی ایسہ لردہ عقول بشر اختلاف و تردید دوشدیک زمان ہو اختلافاتی حل و فصل ایچون انسانلر ارشاد باریہ محتاجدر؛ عقل بشرینک کسیرمدیکی مسائل غامضہ بزی ارشاد ایدہ جک یکانہ واسطہ «وحی» در۔ شو حالہ اخلاق اساسلرندن اولان «خیر» فکری بز مسلمانلر جہ دہا قوتی بر صورتہ تقریر و تثبیت ایدیلش اولیور۔

غیر:

خیری شو یولہ تعریف ایدیورلر: «خیر، ایشلمسی واجب اولان شی در»۔ بوتعریفہ کورہ خیر، اولا وظیفہ ایلہ، ثانیاً فضیلت ایلہ تفسیر اولنہ بیلیر۔ چونکہ ایشلمسی واجب اولان شی، ہرکسک تبعیتہ مجبور اولدینی فعل و حرکت دیمکدر۔ بویسہ وظیفہ نک اوصاف مخصوصہ سندن در۔ بونلر معتادی ومنتظم بر شکل آلماسی دہ شہہ یوق کہ «فضیلت» در۔

مسائل اہمویہ:

خیر حقندہ ویریلجک ایضاحات، مسائل اخلاقیہ حقندہ بزم بر فکر ویرم بیلیر۔ چونکہ خیر حقندہ کی مختلف طرز تلقی، عینی زمانہ مختلف مسائل اخلاقیہ ارانہ ایتکدہ در۔ مع مافیہ برر مسلک مخصوص شکلی آلمش اولان ہو اختلافی دہا زیادہ تدقیق ایتک و حکمیزی کا کورہ وداہا بیولر بر اطمینان ایلہ ویرمک۔ مسئلہ نک ایچہ تنور ایتسی نقطہ سندن۔ موافق اولور فکرندہ ہم۔

بالجملہ مسائل اخلاقیہ ی اوج قسمدہ خلاصہ ایدہ بیلیر: اخلاق لذت، اخلاق منفعت، اخلاق وظیفہ، شمدی اوج قسمدہ خلاصہ ایتدیکم شو مسائل مختلفہ حقندہ بر آز ایضاحات ویرمک ایجاب ایدہ جکدر۔

حفظ ولذت مسلکی:

ہو مسلکہ سالک بولنان زمرد اخلاقیونہ کورہ اخلاق اساسی، قانون اخلاق مستند الہی اولان مبداء، حفظ ولذت در۔ اخلاق اساسی حفظ ولذتہ بولنان زمرد فلاسفہ و اخلاقیونہ کورہ غایہ حیات سعادت حسیہ، یعنی ذوق در۔ خواصمزی اوقشایان، بزم حفظ ولذت ویرن ہر شی خیر؛ بالعکس بزم الم وزحمت ویرن، یاخود الم وزحمت علت و سبب اولان نہ قدر شی وارسہ اولنردہ شدر۔ بر لذت حاصل ایدن ہر بر فعل نتیجہ سی نہ اولورسہ اولسون خیر لیدر۔ نائل سعادت اولہ بیلیمک ایچون ذوق تولید ایدن خصوصاتی طلب، الم تولید ایدنلری رد ایتک ایجاب ایدر۔ بناء علیہ اخلاق اساسی لذت حاضرہ در۔

بر مسلک خطاری:

بویہ بر مسلکہ اخلاق بر مسلک، و ہو مسلکہ سالک بولنانلردہ زمرد اخلاقیون اطلاق جائز اولماسہ کرکدر۔ چونکہ بر اخلاق لذت وارد دریمک، بلکہ دوشو دوشو دکلدر۔

اخلاق لذت، تعریفی مقتضاسنجہ، اخلاق فقدانی دیمکدر۔ اولاً: انسانلر ایچون اخلاق، غایہ حیات لذت عبارت اولونجہ، انسانلرک بہایدن نہ فرقی قالیر؛ لذت غایہ حیات اولونجہ ہر انسان اذواق بہیمیہ سی پشندہ طولاشیانی، حظوظات نفسانیہ سنی تأمین ایتہی بالطبع غایہ اخلاق طائمیسی لازمدر۔

ثانیاً: — حال حاضرہ لذت و ذوق ویرن ہر شی مطلقاً خیر اولہماز؛ بعض لذات و حظوظات وارد در کہ اونلر انسانہ حزن انتاج ایدرلر؛ حال ہو کہ ہو مسلکہ کورہ حزن شدر۔ ذوقی اوقشایان، کندیسہ لذت ویرن شینی زردہ بولور ونہ صورتہ الہ کپیرسہ، ہمان آلہ جہی جہتلہ ہوا تخابدہ اساس اتخاذ اولنہ جق مطرد بر قاعدہ یوقدر۔ لذت و ذوق مطرد و ثابت بر قاعدہ تحتندہ اولمایہ جفندن ہر کسک دوشونجہ سہ کورہ تحول ایدر۔

ثالثاً: — ہوتون اخلاق انکاری دیمک اولان ہو مسلک اخلاق، حیاتی تذلیل و حیاتدن نفرت ایتک کی غیر قابل اجتناب بعض نتائج مؤیددر۔ چونکہ بدینک، یأس، اتحار ہو مسلک نتائج طبیعہ سندن معدوددرلر۔ بونلر ایچون در کہ قتیلہ ہو مسلک طرفدارلرندن بری اولان آرمہ زیاس اتحاری اوقدر بلاغتہ مدح ایتش کہ ہوندن طولانی «خطیب موت» عنوانی آلمش۔

رابعاً: — لذت دنیلن شی، متحرک و سیال برشی اولدیغندن بر قاعدہ حیات تشکیل ایدہ من۔ چونکہ بالذات لذتہ، اذواق تقدیر ایدہ بیلیمک ایچون امین بر قاعدہ یوقدر۔ بونلر ایچون در کہ آرستیب، سرقک، مقدساتہ عدم حرمتک، حتی زنانک بعض احوالہ مباح اولدیغنی استتاج ایشدی۔ خلاصہ ہو مسلک، بہیمی، شہوانی بر مسلک در۔ ایشہ آریستیک مدافعہ ایتکدہ اولدینی اخلاق لذت، یک جوق

ثانیاً: — منفعت اشخاصه، ازمان و امکانیه، کوره تحول ایده‌جکی جهتله، انسانر آره‌سندده بر رابطه اخوت تأسیس ایده‌جکی یرده بالعکس اولری تقسیمه اوهراتیر. چونکه منفعت، یردن زیاده بزم عوارض‌مزدن نشأت ایلر.

ثالثاً: — کرک بنامک، کرک استوارت میلک مسلک‌رینه توفیقاً منفعت خصوصیه‌دن منفعت عمومیه‌یه حکمک قولای برشی اوله‌ماز. بر مسلک، هانکی قانون ویا مبدأ نامنه اوله‌رق بنم بدیهی و صریح اولان منفعتی بر جوق‌لریک منافعده فدا ایتدیرمک؟. بو ایکی منفعت آره‌سندده جوق کره تنازع وحق تضاد واردر: عجیبا هریده نوبت موقعی محافظه ایچون، وطن مظفرتی ایچون وفات ایدن بر نفر، منفعت خصوصیه‌سنگ منفعت عمومیه ایله متحد اولدیفنی بلا اعتراض قبول ایده‌بیلیرمی؟. بوراده فدای نفسی ایجاب ایتدیرن فدا کارلقده بر آرزوی منفعت، بر حب نفس بولوق قابل‌می‌در؟. کی‌سندده‌کی یولجیلری قورقارمق ایچون فدای نفس ایدن بر قبولان شخصی نامنه نه‌کی بر منفعت ملاحظه ایده‌بیلیر...؟

واقعاً منفعت خصوصیه ایله منفعت عمومیه آره‌سندده اکثریا بر توازن، ویا بر آنهک واردر. فقط بو آنهک کوزه چارباچق درجه‌ده تخالقات ایله مستوردر. او‌حاله بر آدمی صریح و بدیهی اولان کندی منفعتی فدا ایتدیرمک مجبور ایده‌جک، منفعتدن داها عالی، بر قانون، بر مبدأ لازم دگلی؟.

نفعیه‌نگ دیکر بر شکل: نظامیه مسلکی:

نفعیه مسلک‌نگ بوقدر متحول، بو درجه متبدل اولدیفنی کورن سپنسر، بومسلکه داها عالی، داها یکی بر شکل ویرمک ایسته‌مش‌در. سپنسر کوره منفعت، واعظمی سعادت مبدئی پاک زیاده متحول اولد- یغندن اخلاق ایچون کافی دکل‌در. بناء علیه بوفکرلرک یرینه اخلاقده غایه فکری، عادتک بر غاییه تطبیقی مبدئی اقامه ایدیلیدر.

فقط نتیجه تحلیله بوفکرکده دوهرو اولدیفنی تظاهر ایتکده‌در. بو فکر روح انسانیه، انسانیتک تعالیم هالی‌سنه اوقدر اوینون دکلدر. عجیبا سپنسرک منفعت یرینه اقامه ایتک ایسته‌دیکی «غایه» نه‌در؟... بو غایه، بزم فاعلیتمزک تکامل عمومی‌یه؟ تمیردیکرله عادات و اعتیاداتمزک، تکامل عمومینک لایتنفطع ایجاد و تجدید ایله‌دیکی شرائط موجودیه بالاختیار بر انطباق معقولی دکلیدر...؟

هایدی بزده، سپنسر ایله برلکده، بر غاییه متوجه اولوق اخلاق دیکدر دی‌یلم. فقط بنسر اوله‌رق و بکا رغما وقوعه کلن بر تکامل ناصیل اولورده بنم ایچون بر مکلفیت تولید ایدر و بر مانع تشکیل ایتمز؟. تکامله اشتراکک خیر و بنم ایچون بر وظیفه اولوسی، بنم اشتراک ایتدیکم تکاملک بنم لهدمه اولمسیله مشروطدر. اصطفا‌ی طیبی، حیاته مغلوب اولاناردن ویا فدا ایدیلنلردن بری بن اولما‌ی استلزام ایدرسه بن بو مبارزه حیاته ناصیل اجرای فعل ایده‌بیلیرم؟ بنم مغلوبیم ایله

اعتراضی جالب اولدیفندن بو مسلکک طرفدارلردن بعض فیلسوفلر؛ حیاتک هدفی تحریر لذت اولدیفنی اساسی قبول ایتکله برابر بونک ایچون بر قاعده انتخاب وضع ایتک ولذا‌ند می‌اننده بر مبدأ انتخاب تأسیس ایتک لزومی حسن ایتشلردر.

فقط نه اولورسه اولسون، مادامک بونلرده اساس اوله‌رق دیکر حیوانات کی انسانک طوغار طوغماز شهوتی سودیکنی و بونی «خیر» اعلا، کی آرادیفنی قبول ایدیور و بوشی «آنشک» حار و قارک بیاض و بالک طائلی اولدیفنی کی حسن اولنور، فقط اثبات اولونماز، دیورلر، شو حاله بو مذهبده آریستیک مذهبی کی عین نتایجیه منجر اوله‌جغنده شبهه بوقدر.

ذاتاً بو انتخابده اساس اتخاذ ایدیله‌جک اولان قاعده نه‌در؟... خلاصه: اخلاق لذت، بر اخلاق منفعت ویا داها دوه‌روسی بر اخلاق خودکامی‌در. بومسلکه کوره بوتون فضائل خودکامی، مطلقه، حب نفس منجر اولدیفنی جهتله انسان هر درلو حقسزلقه، حق جنایتیه سوق ایده‌بیلیر. بویله بر مذهبی قبول ایتک، اخلاق عنندی تلقیاته بازیچه قیلوق و فضیلت حقیقیه‌ی اورتدن قالدیرمقدر. بناء علیه لذت، نه شکله تصور ایدیلیرسه ایدلسون اخلاقک اساسی اوله‌ماز؟ خیر، حظ ایله مترادف عد ایدیله‌مز.

اهموم منفعت:

هیوم، بنام، استوارت میل کی بعض فلاسفه متأخرین‌ده؛ یکدیگرندن جزئی بر فرق ایله؛ اخلاقک اساسی منفعت اولدیفنه‌ذاهب اولشلردر. فی‌الحقیقه بو مسلکده اخلاق لذت دیمک ایسه‌ده بونده اصل اولان منفعتک تحریرسیدر. منفعت ایسه، انسان بر قائلقدن محافظه ایتک ویا انسانه بر ایلیک یا به‌بیامک ایچون بر شینک حائز اولدیفنی خاصه‌در.

بو مسلک کوره هر فرد کندیسی ایچون الم ویا لذت اولان بر شینی هر کسندن ابی تقدیر ایتدیک کی، بو خصوصیه بکانه حاکم صلاحیتدارده کندیسیدر. انسانک کندیسی ایچون نافع اولان هر شی خیر اولدیفنی جهتله منفعت شخصیه‌سنی تأمین جالیشمق بر وظیفه، فدا کارلق ایسه بر خطادر.

تقدیر:

نفعیه مسلک‌نگده حظ مسلک‌نگدن فضل بر قیمتی بوقدر. منفعت، علی‌الاطلاق، اخلاق ایچون اساس اوله‌ماز. منفعتک «خیر» اوله- بیلیمی ایچون عینی زمانده حق اولوسی‌ده شرطدر. هر هانکی بر صورته مال قازانمق نافعدر، فقط صورت مشروعه‌ده اولدجیه «خیر» دکل، بلکه شرور. مشروع اوله بیلیمک ایچون یالکنر شخصمه نافع اولوسی کافی دکلدرده ا منفعتله خیری مترادف کورمک، خیر ایله شرک مساوی اولدیفنی قبول ایتک دیمکدر. بو ایسه هیچ بر صورته شایان قبول دکلدر. بناء علیه منفعت ایله خیر یکدیگرنه معارض کلدیکی واردر...

مقامنده در . ازمنه اخیرده بر ملت ایچنده بر قاج نوع لسان ظهوری ایسه اقوامک یکدیگریله اختلاطنه عائد بر مسئله در . دهای سیاسی بشرک بیک درلو آماله آلت تدویر واستحصا منافع قوتلی بر تدویر یولنده استعمال ایتدیکی (ملیت) و (لسان) جامعه لری تاریخ بشری اوقدر وقوعات مهمه ثبته مشغول ایتشدرکه بش آلتی بیک سنهک مخوظاتی حقیله احاطه متاعب عظیمه فکریه وابسته در . حق حوله سیاسی بوتون ازمان ماضیه سیاستندن دها آغیر ، دها شمولی ، دها مرتبط اولان حال حاضرده (ملیت) دستوری همان هر مشکلهک حلنده اساس اتخاذ اولمقدده در . حالبوکه افراد انسانیه دن هر فردده کرک تشکلات جسمیه و کرک قوای عقلیه سی اعتباریله یکدیگریکنک (شبه کامل) ی اولدینی کبی هانکی بر عرقه منسوب اولورسه اولسون هر فرد انسانی قابل تعلیم و تعلمدر .

بویله اشکال عضویه و ملکات عقلیه سی اعتباریله بری دیگرینک عینی و مبدأ اعتباریله شبهه سز بر بابانک اولادی اولان افراد کثیره متماثلینی همجنسه مغایر کوسترمک (حکمت عقلیه) ایله طبان طبانہ ضددر . بو حکمت علویه یه مینددرکه جامع حقایق علویه اولان (قرآن) عظیم الشان قومیه (تعارفدن) زیاده بر مزیت ویرمامش و آتیده تفصیل ایدیله جکی وجهله (جامعه اسلامییه) یی بشقه بر حقیقت طالیه اوزرنده تأسیس ایتشدر .

ایشته بوصورتله (ملیت) بشریت لباسی اوسته سورلمش غیر ثابت بر بویا ، بر (علامت فارقه) اولوب وحدت فکریه عقلانی ثبته کافی بر (جامعه مهمه) دکلددر .

(لسان) اهمیتده ملیتدن دها یوکسک اولقله برابر اسلامده کی (جهت جامعه) یه نسبتاً ینه حائر اهمیت دکلددر . چونکه اختلاف السنه دن متولد الفاظ متنوعهک مدلولاتی اولان (معانی) ذهن بشرده واحددر . مرأة فکر بشرده جلوه کر اولان بر (معنا) نک هر لسانده بشقه بر کله سی ، بشقه بر آهنگ افاده سی واردر . الفاظ متعدد ، معنی واحددر .

سرنامه تحیل و تعظیم اتخاذ ایتدیکنمز آیت جلیله قرآنیده ایسه (ایمان) اخوت اسلامییه (جامعه علویه) سنه اس اساس اتخاذ بیورلمشدر . جناب حق ، فیاض مطلق حضرتلری عجباً یچون (ملیت) و (لسانی) جامعه اسلامییه اوله رق کوسترمیبوب (ایمان) ی اخوت اسلامییه جامعه سی قلمشدر ؛ ایشته بو مقاله نک روحی و بوبایدکی مقصد اساسی ، بو نظم جلیلهک احتوا ایتدیکی سیاست علویه یی بیاندن عبارت اولوب مذکور سؤالک جوابی محتویددر .

معلوم ارباب بصیرتدرکه اجسام علویه و سفلیده محیر العقول اولان میلیونلرجه بدایع کونیه آره سندن اک زیاده نظر دقت و اهتمامه چاربان بر ذی روح وار ایسه اوده (انسان) دینان بدیهه خلقتدر . چونکه (انسان) بر شهرستان متحرک اولوب دقائق خلقتک کافه عجائبی محتوی بر نادره روزگاردر . بونی مادی و معنوی نظر تدقیق و امعانه

نتیجه له جک اولان بر تکامل ناصیل اولورده نیم ایچون بر مکلفیت تولید ایدر ؟ .

خلاصه ، نفعیه نک بر شکل دیگری دیمک اولان تکاملیه نظریه سنکده اخلاق ایچون کوسترمش اولدینی مبدأ کافی و اساسی بر مبدأ دکلدر .

اهتماس مسلکی :

بعض فیلسوفلرده اخلاق اساسی اولق اوزره و احتیاسی ، کوستریورلر . بو زمرة فلاسفه کوره باصره اشیاده سیاه و بیاضلی ناصیل تفریق ایدیورسه ، افعالده خیر و شری ادراک اتمک مخصوص انسانده بر حاسه باطنیه واردر . خیر و شرک اک صحیح معیاری ، بزده موجود اولان بو حاسه باطنیه در . [۱]

آقسه کیلی
احمد حمیری



انما المؤمنون اخوة

۲

دین جلیل اسلامده تعاون و تساندهک اساس اولسی بیان رصین اسلامک ابدیتی تأمین و (ایمان) کبی بر امر معنوی معظمک احتوا ایتدیکی جامعه ایله اخوتی تحکیم و رصین ایتشدر . احوال عمومیه بشری تنظیم و تدویر ایله مشغول اولان (علم سیاست) ده بر طاقم قواعد ثابت واردر که اشکال حکومت ملل قدر تنوع ایدر سه ایتسین او قواعد لایتغیردر . ازمان قدیمه نک انقلابات متنوعه سی آره سنده تثبیت ایدیلن اولتغیر ناپذیر دستورلردن بریسی تشکیل و تأسیس حکومتده هر شیدن اول (اتحاد افکار) و آنی یاشادان مضکوره عصیتک شرط اعظم و اسیدر .

(بشریت) بو نقطه نظر دن یکدیگره فارشی (قوای دافعه) شکلنده مختلف منازم سیاسییه آیرلمشدر . (جمعیات بشریه) آره سنده حائر نفوذ و تأثیر اولان (وحدت فکریه) نک مبادی ظهوری (لسان) (ملیت) (دین) در .

ایشته بو اوج اساس توضیح ایدیلر و دین جلیل اسلامک افکار بشره تلقین و الهام ایتدیکی مبادی علویه و دساتیر جلیله علمییه تدقیق ایدیلر سه شمس حقیقت بوتون شمعیه سیله ، بوتون انوار یله عرض حال ایلر . اولاً ملیتی و لسانی تدقیق ایدلم .

بشریتک ادوار قدیمه مجهوله سنده جریان ایدن تقلباتک صور جریانی حاکی الده آثار مخلده مفصله بولمقدینی ایچون ملیت استحاله لری فی قطعت ریاضیه شکلنده تعیین تحت امکانده دکلددر . مع مافیة شوریسی معلومدر که ادوار قدیمده عائله رابطه سیله دائره سی توسیع ایدن نسبت عریقه ، اصول تفاهمه کی اشارات صوتیه سیله ده تمیز افاده ایلش و بوسایه ده لسان مخصوصنی دخی ایجاد ایتشدر .

شوحاهده (ملیت) واسع بر عائله نک یکدیگره نسبت ارتباطی محافظه غایه سندن عبارت اولوب (لسان) ایسه اکثریا آنک علامت فارقه سی

[۱] بحث بیتمه دی . آلت طوفی کله جک هفته اتام ایدیله جکدر .